



選詩卷四

贈荅

贈何劭王濟

并序

傅咸

朗陵公何敬祖。咸之從內兄。國子祭酒王武子。咸從姑之外孫也。並以明德見重於世。咸親之重之。情猶同生。義則師友。何公既登侍

梁昭明太子蕭統選



中。武子俄而亦作。二賢相得甚歡。咸亦慶之。
然自恨闇劣。雖願其繾綣而從之。未由。歷試五侯世
無效。且有家艱。心存目替。賦詩申懷以貽之。
云爾。善本無此一句

日月光太清。列宿曜紫微。赫赫大晉朝。明明闡
皇闈。吾兄既鳳翔。王子亦龍飛。雙鸞游蘭渚。二
離揚清暉。攜手升玉階。並坐侍丹帷。金璫綴惠
文。煌煌發令姿。斯榮非攸庶。繾綣情所希。豈不

企高蹤。麟趾邈難追。臨川靡芳餌。何爲守空坻。五臣作空守
槁葉待風飄。逝將與君違。違君能無戀。尸素當
言歸。歸身蓬華廬。樂道以忘饑。進則無云補。退
則恤其私。但願隆弘美。王度日清夷。

荅傅咸

郭泰機

皎皎白素絲。織爲寒女衣。寒女雖妙巧。不得秉
杼機。天寒知運速。况復鴈南飛。衣工秉刀尺。棄

我忽若遺。人不取諸身。世事焉所希。况復已朝餐。曷由知我饑。

為顧彥先贈婦二首

陸雲

悠悠君行邁。煒煒妾獨止。山河安可踰。永路隔萬里。京室多妖冶。粲粲都人子。雅步擢纖腰。巧笑發皓齒。佳麗良可美。衰賤焉所紀。遠蒙眷顧言。銜恩非望始。

呂向曰集云為顧彥先贈婦二首為婦答亦二首以此是婦答而云贈婦集者誤也
匠心處不及士衡之心

浮海難為水。游林難為觀。容色貴及時。朝華忌日晏。皎皎彼姝子。灼灼懷春粲。西城善雅舞。總章饒清彈。鳴簧發丹脣。朱絃繞素腕。輕裾猶電揮。雙袂如霧散。華容溢藻幄。哀響入雲漢。五臣作音知音世所希。非君誰能讚。棄置北辰星。問此玄龍煥。時暮復何言。華落理必賤。

答兄機

陸雲

雲才不如機

悠悠塗可極。別促怨會長。善作思銜思戀行邁。興言在臨觴。南津有絕濟。北渚無河梁。神往同逝感。形留悲參商。衡軌若殊迹。牽牛非服箱。

荅張士然

陸雲

行邁越長川。飄飄冒風塵。通波激枉渚。悲風薄丘榛。修路無窮迹。井邑自相循。百城各異俗。千室非良隣。歡舊難假合。風土豈虛親。感念桑梓

域。髣髴眼中人。靡靡日夜遠。眷眷懷苦辛。

荅盧謔

善作并書
并序

劉琨

五臣重頓首二字

現頓首。損書及詩。備辛酸之苦言。暢經通之遠旨。執玩反覆。不能釋手。慨然以悲。歡然以

悲五臣作喜無下句

喜。昔在少壯。未嘗撿括。遠慕老莊之齊物。近

五臣作喜

嘉阮生之放曠。怪厚薄何從而生。哀樂何由

五臣作家國破止

而至。自頃輒張。困於逆亂。國破家亡。親友彫

字：忠憤不為
靡譚

殘塊然獨坐。則哀憤兩集。負杖行吟。則百憂俱至。時復相與舉觴對膝。破涕爲笑。排終身之積慘。求數刻之暫歡。譬由疾疢彌年而欲一丸銷之。其可得乎。夫才生於世。世實須才。和氏之璧。焉得獨曜於郢握。夜光之珠。何得專玩於隨掌。天下之寶。固當與天下共之。但分析之日。不能不悵恨爾。然後知聘周之爲虛誕。嗣宗之爲妄作也。昔駱驥倚輶於吳阪。

鳴於良樂。知與不知也。百里奚愚於虞而智於秦。遇與不遇也。今君遇之矣。勗之而已。不復屬意於文二十餘年矣。久廢則無次。想必欲其一反。故稱指送一篇。適足以彰來詩之益美耳。琨頓首頓首。

厄運初遘。陽爻在六。乾象棟傾。坤儀舟覆。橫厲糾紛。羣妖競逐。火燎神州。洪流華域。彼黍離離。彼稷育育。哀我皇晉。痛在心目。

善作痛心在目

天地無心。萬物同塗。禍淫莫驗。福善則虛。逆有全邑。義無完都。英蘂夏落。毒卉冬敷。如彼龜玉。韞積毀諸。芻狗之談。其最得乎。

咨余軟弱。弗克負荷。愆釁仍彰。榮寵屢加。威之不建。禍延凶播。忠隕于國。孝愆于家。斯罪之積。如彼山河。斯釁之深。終莫能磨。

郁穆舊姻。嬋婉新婚。不慮其敗。唯義是敦。裹糧攜弱。匍匐星奔。未輟爾駕。已隳我門。二族偕覆。

三孽並根。長慙舊孤。永負冤魂。

亭亭孤幹。獨生無伴。綠葉繁縟。柔條修罕。朝採

爾實。夕將爾竿。竿翠豐尋。逸珠盈椀。寔消我憂。

憂急用緩。逝將去矣。庭虛情滿。

虛滿伊何。蘭桂移植。茂彼春林。瘁此秋棘。有鳥

翻飛。不遑休息。匪桐不棲。匪竹不食。永戢東羽。

翰撫西翼。我之敬之。廢歡輟職。

音以賞奏。味以殊珍。文以明言。言以暢神。之子

善本無此二句

善本作平

五臣作情

善本無此二句

之往。四美不臻。澄醪覆觴。絲竹生塵。素卷莫啟。

幄無談賓。既孤我德。又闕我隣。

善本脫此二句

光光段生。出幽遷喬。資忠履信。武烈文昭。旌弓
駢駢。輿馬翹翹。乃奮長縻。是轡是鑣。何以贈子。
竭心公朝。何以叙懷。引領長謠。

重贈盧諶

劉琨

五臣作玄

握中有懸璧。本自荆山璆。惟彼太公望。昔在渭

王世貞曰劉司空答盧郎中五言詩磊落一時洋淡千古

情辭慨慷惟首二言美諶

中皆自叙而勉諶意在言外

嚴羽曰一人名而分用之者如劉越石宣尼悲獲麟西狩泣孔丘謝惠連雖好相如達不同長卿慢等語若非前後相映帶殆不可讀然要非全美也唐初餘風猶未殄至杜子美始淨盡矣王世貞曰寔境詩於寔境讀之哀樂便自百倍余每讀劉司空豈意百鍊剛二句未嘗不掩卷酸鼻也嗚呼越

濱。叟。鄧生何感激。千里來相求。白登幸曲逆。鴻
門賴留侯。重耳任五賢。小白相射鉤。苟能隆二
伯。安問黨與讐。中夜撫枕歎。想與數子游。吾衰
久矣夫。何其不夢周。誰云聖達節。知命故不憂。
宣尼悲獲麟。西狩涕孔丘。功業未及建。夕陽忽
西流。時哉不我與。去乎若雲浮。朱實隕勁風。繁
英落素秋。狹路傾華蓋。駭駟摧雙輶。何意百鍊
剛。化為繞指柔。

選詩

卷四

七

石已矣千載而下猶有生氣彼石勒既碑公竟何在

序與詩俱蒼

贈劉琨

善本序并書

盧湛

故吏從事中郎盧湛。死罪死罪。湛稟性短弱。當世罕任。因其自然。用安靜退。在木闕不材之資。處鴈乏善鳴之分。卷異蘧子。愚殊甯生。匠者時眇。不免饌賓。嘗自思惟。因緣運會。得蒙接事。自奉清塵。于今五稔。謨明之效不著。侯人之譏已彰。善本序大雅含弘。量苞山藪。加以待

接彌優。款眷逾昵。與運籌之謀。廁讌私之歡。綢繆之旨。有同骨肉。其為知己。古人罔喻。昔聶政殉嚴遂之顧。荆軻慕燕丹之義。意氣之間。善本作靡縻軀不悔。雖微達節。謂之可庶。然苟曰有情。孰能不懷。故委身之日。夷險已之。事與願違。當忝外役。遂去左右。收迹府朝。蓋本同末。異。楊朱興哀。始素終玄。墨翟垂涕。分乖之際。咸可歎慨。致感之途。或迫于茲。亦奚必臨路

而後長號。覩絲而後歔歔哉。是以仰惟先情。俯覽今遇。感存念亡。觸物增眷。易曰書不盡言。言不盡意。然則書非盡言之器。言非盡意之具矣。况言有不得至於盡意。書有不得至於盡言邪。不勝猥薄。謹貢詩一篇。抑不足以掄揚弘美。亦以摠其所抱而已。若公肆大惠。遂其厚恩。錫以咳唾之音。慰其違離之意。則所謂咸池酬於北里。夜光報於魚目。謚之願

也。非所敢望也。謚死罪死罪。

濟哲惟皇。紹熙有晉。振厥弛維。光闡遠韻。有來斯雍。至止伊順。三台擢朗。四岳增峻。

伊陟佐商。山甫翼周。弘濟艱難。對揚王休。苟非異德。曠世同流。加其忠貞。宣其微猷。

伊謚陋宗。昔邁嘉惠。申以婚姻。著以累世。義等休戚。好同興廢。孰云匪諧。如樂之契。

王室喪師。私門播遷。望公歸之。視險忽艱。茲願

不遂。中路阻顛。仰悲先意。俯思身愆。
大鈞載運。良辰遂往。瞻彼日月。迅過俯仰。感今
惟昔。口存心想。借曰如昨。忽爲疇曩。
疇曩伊何。逝者彌疎。溫溫恭人。慎終如初。覽彼
遺音。恤此窮孤。譬彼樛木。蔓葛以敷。
妙哉蔓葛。得託樛木。葉不雲布。華不星燭。承侔
卞和。質非荆璞。眷同尤良。用乏驥馱。
承亦旣篤。眷亦旣親。飾獎駑猥。方駕駿珍。弼諧

靡成。良謨莫陳。無覬狐趙。有與五臣。

五臣作羅

五臣奚與。契闊百罹。身經險阻。足蹈幽遐。義由
恩隨。分隨昵加。綢繆委心。自同匪他。

善作使

昔在暇日。妙尋通理。尤彼意氣。狹是節士。情以
體生。感以情起。趣舍同要。窮達斯已。

善作罔

由余片言。秦人是憚。日磬效忠。飛聲有漢。栢栢
撫軍。古賢作冠。來牧幽都。濟厥塗炭。

塗炭旣濟。寇挫民阜。謬其疲隸。授之朝右。上懼

任大。下欣施厚。實祇高明。敢忘所守。
相彼反哺。尚在翔禽。孰是人斯。而忍斯心。每憑
山海。庶覲高深。遐眺存亡。緬成飛沈。
長徽已纓。逝將徙舉。收迹西踐。銜哀東顧。曷云
途遼。曾不咫尺。豈不夙夜。謂行多露。

綿綿女蘿。施于松標。稟澤洪幹。晞陽豐條。根淺
難固。莖弱易彫。操彼纖質。承此衝飈。
纖質寔微。衝飈斯值。誰謂言精。致在賞意。不見

得魚。亦忘厥餌。遺其形骸。寄之深識。

五臣作八

先民。願意。潛山隱几。仰熙丹崖。俯澡綠水。無求
於和。自附衆美。慷慨遐蹤。有愧高旨。

爰造異論。肝膽楚越。惟同大觀。萬塗一轍。死生

善作殊

既齊。榮辱奚別。處其玄根。廓焉靡結。
福爲禍始。禍作福階。天地盈虛。寒暑周迴。夫差
不祀。釁在勝齊。句踐作伯。祚自會稽。
邈矣達度。唯道是杖。形有未泰。神無不暢。如川

之流。如淵之量。上弘棟隆。下塞民望。

贈崔溫

盧諶

逍遙步城隅。暇日聊游豫。北眺沙漠垂。南望舊
京路。平陸引長流。岡巒挺茂樹。中原厲迅飈。山
阿起雲霧。游子恒悲懷。舉目增永慕。良儔不獲
偕。舒情將焉訴。遠念賢士風。遂存往古務。朔鄙
多俠氣。豈唯地所固。李牧鎮邊城。荒夷懷南懼。

趙奢正疆場。秦人折北慮。羈旅及寬政。委質與

非善作飛古字通

時遇。恨以驚蹇姿。徒煩非子御。亦旣弛負擔。忝

位宰黔庶。苟云免罪戾。何暇收民譽。倪寬以殿

黜。終乃最衆賦。何武不赫赫。遺愛常在去。古人

非所希。短弱自有素。何以敷斯辭。惟以二子故。

荅魏子悌

盧諶

崇臺非一榦。珍裘非一腋。多士成大業。羣賢濟

弘績。遇蒙時來會。聊齊朝彥跡。顧此腹背羽。愧
彼排虛翮。寄身陰四岳。託好憑三益。傾蓋雖終
朝。大分邁疇昔。在危每同險。處安不異易。俱涉
晉昌艱。共更飛狐厄。思由契闊生。義隨周旋積。
豈謂鄉曲譽。謬克本州役。乖離令我感。悲欣使
情惕。理以精神通。匪曰形骸隔。妙詩申篤好。清
義貫幽蹟。恨無隨侯珠。以酬荆文璧。

荅靈運

謝瞻

夕霽風氣涼。閑房有餘清。開軒滅華燭。月露皓
已盈。獨夜無物役。寢者亦云寧。忽獲愁霖唱。懷
勞奏所誠。歎彼行旅艱。深茲眷言情。伊余雖寡
慰。殷憂慙爲輕。牽率酬嘉藻。長揖愧吾生。

於安城荅靈運

謝瞻

條繁林彌蔚。波清源逾濬。華宗誕吾秀。之子紹

鍾惺曰滅燭妙
于看月之言
譚元春曰澗然
有味高岑寔祖
以又曰亦云口角
妙

五律作清

前胤。綢繆結風微。烟煜吐芳訊。鴻漸隨事變。靈臺與年峻。

華萼相光飾。善作嚶嚶鳴悅同響。親親子敦余。賢賢吾

爾賞。比景後鮮輝。方年一日長。萎葉愛榮條。涸

流好河廣。

五五作狗

殉業謝成操。復禮愧貧樂。幸會果代耕。符守江南曲。履運傷荏苒。遵塗歎緬邈。布懷存所欽。我勞一何篤。

肇允雖同規。翻飛各異檠。迢遞封畿外。窈窕承

明內。尋塗塗旣睽。卽理理已對。絲路有恒悲。矧

迺在吾愛

跬行安步武。鍛翮周數仞。豈不識高遠。違方往

有吝。歲寒霜雪嚴。過半路逾峻。量已畏友朋。勇

退不敢進。行矣勵令猷。寫誠酬來訊。

西陵遇風獻康樂

謝惠連

我行指孟春。春仲尚未發。趣途遠有期。念離情
無歇。成裝候良辰。漾舟陶嘉月。瞻塗意少悰。還
顧情多闕。

鍾惺曰隱字寫
去舟如見然搃
讓衛風沉、其
景四字

哲兄感此別。相送越垌林。飲餞野亭館。分袂澄
湖陰。悽悽留子言。眷眷浮客心。迴塘隱鱸棹。遠
望絕形音。

譚元春曰但自
弭淒絕不可讀
再下路長一語
遂覺索然魏晉
以下之病坐此

靡靡卽長路。戚戚抱遙悲。悲遙但自弭。路長當
語誰。行行道轉遠。去去情彌遲。昨發浦陽汭。今

宿浙江湄。

譚元春曰以此作起不如以此作結覺含意不盡以古人手筆高于後人處

屯雲蔽曾嶺。驚風涌飛流。零雨潤墳澤。落雪灑
林丘。浮氛晦崖巘。積素惑原疇。曲汜薄停旅。通
川絕行舟。

臨津不得濟。佇楫阻風波。蕭條洲渚際。氣色少
諸和。五作曠西瞻興游歎。東睇起悽歌。積憤成疾疢。無
萱將如何。

還舊園作見顏范二中書

有感興懷字
律

謝靈運

辭滿豈多秩。謝病不待年。偶與張邴合。久欲還
東山。聖靈昔廻眷。微尚不及宣。何意衝飈激。烈
火縱炎烟。焚玉發崑峯。餘燎遂見遷。投沙理既
迫。如叩願亦愆。長與歡愛別。永絕平生緣。浮舟
千仞壑。總轡萬尋巔。流沫不足險。石林豈爲艱。
閩中安可處。日夜念歸旋。事蹟兩如直。心慚三
避賢。託身青雲上。栖巖挹飛泉。盛明盪氛昏。貞

休康屯道。殊方咸成貸。微物豫采甄。感深操不
固。質弱易板纏。曾是反昔園。語往實款然。曩基
卽先築。故池不更穿。果木有舊行。壤石無遠延。
雖非休憇地。聊取永日閑。衛生自有經。息陰謝
所牽。夫子照情素。探懷授往篇。

善本無可字

登臨海嶠初發疆中作與從弟惠連可見羊
何共和之

謝靈運

字、逸蕩
鍾惺曰鄭重委
折
又曰寫別情幽
細

杪秋尋遠山。山遠行不近。與子別山阿。含酸赴
修粦。中流袂就判。欲去情不忍。顧望脰未悁。汀
曲舟已隱。隱汀絕望舟。驚棹逐驚流。欲抑一生
歡。并奔千里游。日落當棲薄。繫纜臨江樓。豈惟
夕情斂。憶爾共淹留。淹留昔時歡。復增今日歎。
茲情已分慮。况乃協悲端。秋泉鳴北澗。哀猿響
南巒。戚戚新別心。悽悽久念攢。攢念攻別心。旦
發青谿陰。暝投剡中宿。明登天姥岑。高高入雲

霓。還期那可尋。儻遇浮丘公。長絕子徽音。

酬從弟惠連

謝靈運

寢瘵謝人徒。滅迹入雲峯。巖壑寓耳目。歡愛隔
音容。永絕賞心望。長懷莫與同。末路值令弟。開
顏披心胸。

心胸既云披。意得咸在斯。凌澗尋我室。散帙問
所知。夕慮曉月流。朝忌曛日馳。悟對無厭歇。聚

凌駕

鍾惺曰兄弟中
朋友人生至樂

散成分離。

分離別西川。廻景歸東山。別時悲已甚。別後情更延。傾想遲嘉音。果在濟江篇。辛勤風波事。欵曲洲渚言。

洲渚既淹時。風波子行遲。務協華京想。詎存空谷期。猶復惠來章。祇足攪余思。儻若果歸言。共陶暮春時。

暮春雖未交。仲春善遊遨。山桃發紅萼。野蕨漸

紫苞。嬰鳴已悅豫。幽居猶鬱陶。夢寐佇歸舟。釋我吝與勞。

贈王大常

顏延之

玉水記方流。璇源載圓折。蓄寶每希聲。雖祕猶彰徹。聆龍睎九淵。聞鳳窺丹穴。歷聽豈多士。唯然觀時哲。舒文廣國華。敷言遠朝列。德輝灼邦懋。芳風被鄉耆。側同幽人居。郊扉常晝閉。林間

時晏開。亟廻長者轍。亭昏見野陰。山明望松雪。
靜惟浹羣化。徂生入窮節。豫往誠歡歇。悲來非
樂闕。屬美謝繁翰。遙懷具短札。

夏夜呈從兄散騎車長沙

顏延之

炎天方埃鬱。暑晏闕塵紛。獨靜闕偶坐。臨堂對
星分。側聽風薄木。遙睇月開雲。夜蟬當夏急。陰
蟲先秋聞。歲候初過半。荃蕙豈久芬。屏居惻物

湯惠休謂顏詩
如錯綵繡金信
然

變。慕類抱情殷。九逝非空思。七襄無成文。

直東宮荅鄭尚書

顏延之

五言作信

皇居體環極。設險祇天工。兩闈阻通軌。對禁限
清風。跂予旅東館。徒歌屬南墉。寢興鬱無已。起
觀辰漢中。流雲藹清闕。皓月鑿丹宮。踟躕清防
宓。徙倚恒漏窮。君子吐芳訊。感物惻余衷。惜無
丘園秀。景行彼高松。知言有誠貫。美價難克充。

何以銘嘉貺。言樹絲與桐。

和謝監靈運

顏延之

弱植慕端操。窘步懼先迷。寡立非擇方。刻意藉窮棲。伊昔邁多幸。秉筆侍兩閨。雖慙丹艧施。未謂玄素睽。徒遭良時設。王道奄昏霾。人神幽明絕。朋好雲雨乖。弔屈汀洲浦。謁帝蒼山蹊。倚巖聽緒風。攀林結留萋。歧予間衡嶠。曷月瞻秦稽。

顏謝字句俱精工而謝更秀逸

皇聖昭天德。豐澤振沈泥。惜無雀雉化。何用充

善作鳥

海淮。去國還故里。幽門樹蓬藜。采茨葺昔宇。翦

棘開舊畦。物謝時旣晏。年往志不偕。親仁敷情

昵。興玩^{善作賦}寃辭悽。芬馥歇蘭若。清越奪琳珪。盡言

非報章。聊用布所懷。

荅顏延年

王僧達

長卿冠華陽。仲連擅海陰。珪璋旣文府。精理亦

道心。君子聳高駕。塵軌實爲林。崇情符遠迹。清

氣溢素襟。結游畧年義。篤顧棄浮沈。寒榮共偃

曝。春醞時獻斟。聿來歲序暄。輕雲出東岑。麥壟

多秀色。楊園流好音。歡此承日暇。忽忘逝景侵。

幽衷何用慰。翰墨久謠吟。棲鳳難爲條。淑貺非

所臨。誦以永周旋。匣以代兼金。

郡內高齋閑坐荅呂法曹

謝朓

俊逸

鍾惺曰語似陶

亦似王孟

又曰日出衆鳥

散陶詩中妙語

結構何迢遞。曠望極高深。窻中列遠岫。庭際俯

喬林。日出衆鳥散。山暝孤猿吟。已有池上酌。復

此風中琴。非君美無度。孰爲勞寸心。惠而能好

我。問以瑤華音。若遺金門步。見就玉山岑。

在郡卧病呈沈尚書

謝朓

淮陽股肱守。高卧猶在茲。况復南山曲。何異幽

棲時。連陰盛農節。臺笠聚東菑。高閣常晝掩。荒

選詩

卷四

二十一

釋皎然曰大江
二句亦何減于
建安
楊慎曰六朝人
稱謝朓工于發

端如以二句雄
歷千古矣
皇甫汈曰劉隨
州離心與流水
萬里共朝昏本
于此
鍾惺曰起結俱
是近體佳境

向句秀逸
楊慎曰後人不
解以向之妙晉
安即閩泉州也
南中榮橘即諫

階少諍辭。珍簟清夏室。輕扇動涼颼。嘉魴聊可
善作深境
薦。綠蟻方獨持。夏李沈朱實。秋藕折輕絲。良辰
竟何許。夙昔夢佳期。坐嘯徒可積。為邦歲已暮。
絃歌終莫取。撫枕令自嗤。

蹇使下都夜發新林至京邑贈西府同僚

謝朓

王世貞曰謝玄暉不推工發端模造而風華映人一時之傑特不如靈運者匪直才
力小弱靈運語俳而氣古玄暉調俳而氣全

大江流日夜。客心悲未央。徒念關山近。終知返
發。端。警。絕。
路長。秋河曙耿耿。寒渚夜蒼蒼。引領見京室。宮
善作頤

雉。正相望。金波麗鳩鵲。玉繩低建章。驅車鼎門
鍾惺曰似唐人應制詩
外。思見昭丘陽。馳暉不可接。何況隔兩鄉。風雲
有鳥路。江漢限無梁。常恐鷹隼擊。時菊委嚴霜。
寄言尉羅者。寥廓已高翔。

酬王晉安

謝朓

梢梢枝早勁。塗塗露晚晞。南中榮橘柚。寧知鴻
鴈飛。拂霧朝青閣。日旰坐彤闈。悵望一塗阻。參

云樹鬱不落葉也寧知鴻雁飛即諫云雁飛不到處也樹不凋鴈不到本是瘴鄉却以美言之此是隱句之妙

差百慮依春草秋更綠。公子未西歸。誰能久京洛。緇塵染素衣。

奉荅內兄希叔

陸厥

嘉惠承帝子。躡履奉王孫。屬叨金馬署。又點銅龍門。出入平津邸。一見孟嘗尊。歸來翳桑柘。朝夕異涼溫。

俎落固云是。寂蕞終始斯。五臣作如杜門清三徑。坐檻臨

曲池。鳧鵠嘯儔侶。荷芰始參差。雖無田田葉。及爾汎漣漪。

春華與秋實。庶子及家臣。五臣作當王門所以貴。自古多俊民。離宮收杞梓。華屋富徐陳。平旦上林苑。日入伊水濱。

書記既翩翩。賦歌能妙絕。相如恧溫麗。子雲慙筆札。駿足思長阪。柴車畏危轍。愧茲山陽讌。空此河陽別。

平原十日飲。中散千里遊。渤海方淫滯。宜城誰
獻酬。屏居南山下。臨此歲方秋。惜哉時不與。日
暮無輕舟。

贈張徐州謾

范雲

田家樵採去。薄暮方來歸。還聞稚子說。有客款
柴扉。僮從皆珠玳。裘馬悉輕肥。軒蓋照墟落。傳
瑞生光輝。疑是徐方牧。既是復疑非。思舊昔言

有。此道今已微。物情棄疵賤。何獨顧衡闈。恨不
具雞黍。得與故人揮。懷情徒草草。淚下空霏霏。
寄書雲間鴈。爲我西北飛。

古意贈王中書

范雲

攝官青瑣闥。遙望鳳皇池。誰云相去遠。脉脉阻
光儀。五臣作淮岱山饒靈異。沂水富英奇。逸翮凌北海。搏
飛出南皮。遭逢聖明后。來棲桐樹枝。竹花何莫

守令相臨而作
詩相贈前人風
流亦可想見

道雅之作末語
有蘇章之志

莫。桐葉何離離。可棲復可食。此外亦何爲。豈知
鷓鴣者。一粒有餘貲。

贈郭桐廬出谿口見候余既未至郭仍進村
維舟久之郭生方至

任昉

朝發富春渚。蓄意忍相思。涿令行春返。冠蓋溢
川坻。望久方來萃。悲歡不自持。滄江路窮此。湍
險方自茲。疊嶂易成響。重以夜猿悲。客心幸自

弭。中道遇心期。親好自斯絕。孤游從此辭。
行旅

河陽縣作二首

潘岳

微身輕蟬翼。弱冠忝嘉招。在疚妨賢路。再升上

立臣作違

宰朝。猥荷公叔舉。連陪廁王寮。長嘯歸東山。擁
耒耨時苗。幽谷茂纖葛。峻巖敷榮條。落英隕林
趾。飛莖秀陵喬。卑高亦何常。升降在一朝。徒恨

李善曰哀傷贈
答皆潘居陸後
而以在前疑誤

良時泰。小人道遂消。譬如野田蓬。幹流隨風飄。
昔倦都邑游。今掌河朔徭。登城眷南顧。凱風揚
微綃。洪流何浩蕩。修芒鬱岩嶢。誰謂晉京遠。室
邇身實遼。誰謂邑宰輕。令名患不邵。人生天地
間。百年孰能要。五臣作歎 五臣作高頰如槁石火。瞥若截道颺。齊都
無遺聲。桐鄉有餘謠。福謙在純約。害盈由矜驕。
雖無君人德。視民庶不忼。

日夕陰雲起。登城望洪河。川氣冒山嶺。驚湍激

巖阿。歸鴈映蘭時。書作時游魚動圓波。鳴蟬厲寒音。時
菊耀秋華。引領望京室。南路在伐柯。大夏緬無
覲。崇芒鬱嗟哦。總總都邑人。擾擾俗化訛。依水
類浮萍。寄松似懸蘿。朱博糾舒慢。楚風被琅邪。
曲蓬何以直。託身依叢麻。黔黎竟何常。政成在
民和。位同單父邑。愧無子賤歌。豈敢陋微官。但
恐忝所荷。

在懷縣作二首

葛立方曰潘岳
急于進取乾沒
不休與石勒等
誦事賈謚每歲
其出輒望塵而
拜觀其作河陽
縣詩則曰誰謂
晉京遠室邇身
寔遠誰謂邑宰
輕令名患不劾
其作懷縣詩則
曰自豕遠京輦
四載迄于斯器
非廊廟姿屢出
固其宜其坐馳
京闕渴心固已
生塵矣而仕宦
卒不達誠可以

為馳騫者之戒
也嘗自叙曰自
弱冠涉于知命
之年八徙官一
進階再免一除
名一不拜職遷
者三而已雖通
塞有命抑拙者
之效也岳誠知
以豈肯遽下賈
謚之拜哉

潘岳

南陸迎修景。朱明送末垂。初伏啟新節。隆暑方
赫羲。朝想慶雲興。夕遲白日移。揮汗辭中宇。登
城臨清池。涼飈自遠集。輕襟隨風吹。靈囿耀華
果。通衢列高椅。瓜瓞蔓長苞。薑芋紛廣畦。稻栽
肅仟仟。五臣作於于黍苗何離離。虛薄乏時用。位微名日卑。
驅役宰兩邑。政績竟無施。自我違京輦。四載迄
于斯。器非廊廟姿。屢出固其宜。徒懷越鳥志。眷

戀想南枝

春秋代遷逝。四運紛可喜。去聲寵辱易不驚。戀本難

為思。我來冰未泮。時暑忽隆熾。感此還期淹。歎
彼年往駛。登城望郊甸。游目歷朝寺。小國寡民
務。終日寂無事。白水過庭激。綠槐夾門植。信美
非吾土。祇攪懷歸志。善作卷眷然顧鞏洛。山川逸離異。
願言旋舊鄉。畏此簡書忌。祇奉社稷守。恪居處
職司。

不為綺靡自是直截

迎大駕

潘尼

南、山、鬱、岑、崱、洛、川、迅、且、急、青、松、蔭、修、嶺、綠、蘩、被、
 廣、隰、朝、日、順、長、塗、夕、暮、無、所、集、歸、雲、乘、憶、浮、淒、
 風、尋、帷、入、道、逢、深、識、士、舉、手、對、吾、揖、世、故、尚、未、
 夷、嶠、函、方、嶮、澀、狐、狸、夾、兩、轅、豺、狼、當、路、立、翔、鳳、
 嬰、籠、檻、騏、驥、見、維、繫、俎、豆、昔、常、聞、軍、旅、素、未、習、
 且、少、停、君、駕、徐、待、干、戈、戢、

李善曰集云此篇赴太子洗馬時作下篇云東宮作而此同云赴洛誤

赴洛詩二首

陸機

希、世、無、高、符、營、道、無、烈、心、靖、端、肅、有、命、假、楫、越、
 江、潭、親、爰、贈、予、邁、揮、淚、廣、川、陰、撫、膺、解、攜、手、未、
 歎、結、遺、音、無、迹、有、所、匿、寂、寞、聲、必、沈、肆、目、眇、不、
 及、緬、然、若、雙、潛、南、望、泣、玄、渚、北、邁、步、長、林、谷、風、
 拂、修、薄、油、雲、翳、高、岑、疊、疊、孤、獸、騁、嚶、嚶、思、鳥、吟、
 感、物、戀、堂、室、離、思、一、何、深、佇、立、愜、我、嘆、寤、寐、涕、

盈衿。惜無懷歸志。辛苦誰爲心。

羈旅遠遊宦。託身承華側。撫劍遵銅輦。振纓盡

祇肅。歲月一何易。寒暑忽已革。載離多悲心。感

五臣作念

物情悽惻。慷慨遺安愈。永歎廢餐食。思樂樂難

誘。日歸歸未克。憂苦欲何爲。纏綿胸與臆。仰瞻

凌霄鳥。羨爾歸飛翼。

赴洛道中作二首

陸機

士衡詩氣格高

總轡登長路。嗚咽辭密親。借問子何之。世網嬰

我身。永歎遵北渚。遺思結南津。行行遂已遠。野

途曠無人。山澤紛紆餘。林薄杳阡眠。虎嘯深谷

底。鷄鳴高樹巔。哀風中夜流。孤獸更我前。悲情

觸物感。沈思鬱纏綿。佇立望故鄉。顧影悽自憐。

遠遊越山川。山川修且廣。振策涉崇丘。安轡遵

平莽。夕息抱影寐。朝徂銜思往。頓轡倚嵩巖。側

聽悲風響。清露墜素輝。明月一何朗。撫几不能

五臣作枕

婉夷平淡天然

之作

鍾惺曰銜思往

比征夫懷往路

更深妙

又曰境語俱微

寐振衣獨長想。

吳王郎中時從梁陳作

陸機

在昔蒙嘉運。矯迹入崇賢。假翼鳴鳳條。濯足升
龍淵。玄冕無醜士。冶服使我妍。輕劍拂鞞厲。長
纓麗且鮮。誰謂伏事淺。契闊踰三年。薄言肅後
命。改服就藩臣。夙駕尋清軌。遠遊越梁陳。感物
多遠念。慷慨懷古人。

始作鎮軍參軍經曲阿作

陶淵明

弱齡寄事外。委懷在琴書。被褐欣自得。屢空常
晏如。時來苟宜會。宛轡憇通衢。投策命晨旅。暫
與田園疎。眇眇孤舟逝。綿綿歸思紆。我行豈不
遙。登降千里餘。目倦修塗異。心念山澤居。望雲
慙高鳥。臨水愧遊魚。真想初在衿。誰謂形迹拘。
聊且憑化遷。終反班生廬。

真澹

羅大經曰士豈能長守山林長
視簞笠要使山
林簞笠之念不
忘乃為勝耳淵
明望雲四句似
此胸襟豈為外
榮所點染哉

沈約曰潛自以
曾祖晉世宰輔
不復屈身後代
自高祖王業漸
隆不復肯仕所
著文章皆題年
月義熙已前則
書晉氏年號自
永初以來惟云
甲子而已
林園無俗情語
簡而質真詩家
隱逸之宗也

辛丑歲七月赴假還江陵夜行塗口作

陶淵明

閑居三十載。遂與塵事冥。五臣作南詩書敦宿好。善作新秋月林園無
俗情。如何舍此去。遥遥至西荆。叩棧親月船。臨
流別友生。涼風起將夕。夜景湛虛明。昭昭天宇
闊。皛皛川上平。懷役不遑寐。中宵尚孤征。商歌
非吾事。依依在耦耕。投冠旋舊墟。不爲好爵榮。
養真衡茅下。庶以善自名。

永初三年七月十六日之郡初發都

謝靈運

述職期闌暑。理棹變金素。秋岸澄夕陰。火旻團
朝露。辛苦誰爲情。遊子值頽暮。愛似莊念昔。久
敬曾存故。如何懷土心。持此謝遠度。李牧愧長
袖。郤克慙躡步。良時不見遺。醜狀不成惡。曰余
亦支離。依方早有慕。生幸休明世。親蒙英達顧。
空班趙氏璧。徒乖魏王瓠。從來漸二紀。始得傍

靈運詩巧于琢
句遂不免僻語

僻句
楊慎曰愛似二
句拙

歸路將窮山海迹。永絕賞心晤。

過始寧墅

謝靈運

束髮懷耿介。逐物遂推遷。違志似如昨。二紀及
茲年。緇磷謝清曠。疲繭慙貞堅。拙疾相倚薄。還
得靜者便。剖竹守滄海。枉帆過舊山。山行窮登
頓。水涉盡洞汭。巖峭嶺稠疊。洲縈渚連綿。白雲
抱幽石。綠篠媚清漣。葺宇臨迴江。築觀基曾巔。

五言詩宋人當
學靈運一字千
金

揮手告鄉曲。三載期歸旋。且爲樹枌檟。無令孤
願言。

富春渚

謝靈運

宵濟漁浦潭。旦及富春郭。定山緬雲霧。赤亭無
淹薄。遡流觸驚急。臨圻阻參錯。亮乏伯昏分。險
過呂梁壑。游至宜便習。兼山貴止託。平生協幽
期。淪躋困微弱。久露干祿請。始果遠遊諾。宿心

漸申寫萬事。俱零落。懷抱既昭曠。外物徒龍蠖。

七里瀨

謝靈運

多梗塞語

羈心積秋晨。晨積展遊眺。孤客傷逝湍。徒旅苦

奔峭。石淺水潺湲。日落山照曜。荒林紛沃若。哀

禽相叫嘯。遭物悼遷斥。五臣作具存期得要妙。既秉上皇

心。五臣作情豈屑末代諠。目覩嚴子瀨。想屬任公釣。誰謂

古今殊。異代可同調。

譚示春日遷客
真境唐人遇物
遂遙嘆御心遇
物悲皆本此覺
遷歎二字尤奇

登江中孤嶼

謝靈運

江南倦歷覽。江北曠周旋。五臣作新懷雜道轉迥。尋異景

不延。亂流趨正絕。五臣作孤嶼孤嶼媚中川。雲日相輝映。空

水共澄鮮。表靈物莫賞。蘊真誰為傳。想像崑山

姿。緬邈區中緣。始信安期術。得盡養生年。

初去郡

謝靈運

釋皎然曰康樂
彭薛四向商榷
三賢雖許其退
身不免遺議蓋
康樂欲借此成
我詩意非用事
也
達心曠思上揜
古人
魏慶之曰一篇
押兩生字

彭薛裁知耻。貢公未遺榮。或可優貪競。豈足稱
達生。伊予秉微尚。拙訥謝浮名。廬園當栖巖。卑
位代躬耕。顧已雖自許。心迹猶未并。無庸妨周
任。有疾象長卿。畢娶類尚子。薄游似邴生。恭承
古人意。促裝返柴荆。牽絲及元興。解龜在景平。
負心二十載。於今廢將迎。理棹遄還期。遵渚驚
修垵。遡谿終水涉。登嶺始山行。野曠沙岸淨。天
高秋月明。憇石挹飛泉。攀林蹇落英。戰勝臞者

肥。止監流歸停。卽是羲唐化。獲我擊壤聲。

初發石首城

謝靈運

白珪尚可磨。斯言易爲緇。雖抱中孚爻。猶勞貝
錦詩。寸心若不亮。微命察如絲。日月垂光景。成
貸遂兼茲。出宿薄京畿。晨裝搏會颶。善作魯重經平生
別。再與朋知辭。故山日已遠。風波豈還時。善作若迢迢
萬里帆。茫茫終河之。游當羅浮行。息必廬霍期。

寓目矢口而成
言以穎絕

越海陵三山。游湘歷九嶷。五字作疑欽聖若旦暮。懷賢亦
悽其皎皎。明發心。不爲歲寒欺。

道路憶山中

謝靈運

采菱調易急。江南歌不緩。楚人心昔絕。越客腸
今斷。斷絕雖殊念。俱爲歸慮歎。存鄉爾思積。憶
山我憤懣。追尋栖息時。偃卧任縱誕。得性非外
求。自己爲誰纂。不怨秋夕長。善作常恒苦夏日短。濯流

語僻

激浮湍。息陰倚密竿。善作故懷懷故叵新歡。含悲忘春暎。
悽悽明月吹。惻惻廣陵散。殷勤訴危柱。慷慨命
促管。

入彭蠡湖口作

謝靈運

客游倦水宿。風潮難具論。洲島驟迴合。圻岸屢
崩奔。乘月聽哀狔。浥露馥芳蓀。春晚綠野秀。巖
高白雲屯。千念集日夜。萬感盈朝昏。攀崖照石

宋詩固當學靈
運但恐不善學
者未免軋虫

鏡牽葉入松門。三江事多往。九派理空存。靈物
去珍怪。異人秘精魂。金膏滅明光。水碧綴流溫。五臣作輟
徒作千里曲。絃絕念彌敦。

入華子崗是麻源第三谷

謝靈運

南州實炎德。桂樹陵寒山。銅陵映碧澗。石磴瀉
紅泉。既在隱淪客。亦棲肥遁賢。險徑無測度。天
路非術阡。遂登羣峯首。邈若升雲烟。羽人絕髣

揚慎曰圖牒以
下四句重複不
可學也
有見之言
揚慎曰結句太
晦

髣。丹丘徒空筮。圖牒復摩滅。碑版誰聞傳。莫辨
五臣作代百世後。安知千載前。且申獨往意。乘月弄潺湲。
恒克俄頃用。豈爲古今然。

選詩卷四終

選詩

卷四

選詩卷四訂註

傳咸贈何邵王濟

朗陵公

邵襲封朗陵郡公

蘭渚

喻中書省

二離

長離靈鳥

璫

耳珠也

惠文

冠名侍中所著

庶

與也

靡芳餌

釣者無餌以喻已也

槁葉待風

飄

咸時出為異州刺史將發如枯槁之葉待風之飄也

郭泰機荅傳咸

河南郭泰機寒素後門之士數作詩與咸咸報詩恒激切

戲之後因咸贈詩故作此荅之

素絲

喻才

寒女

喻賤

衣工

喻傳咸

刀尺

謂執政事也

不取諸

身謂不能怨焉所希安可朝餐謂咸先

陸雲為顧彥先贈婦

西城揔章皆出北辰星不移動玄龍煥喻美

陸雲荅兄機機贈詩行矣怨

南津言絕濟直北渚機參商神隨兄往而形留

衡軌兄弟相依牽牛非服箱牽牛有名不堪服

名而不

陸雲荅張士然士然平吳後入洛

非良隣謂吳漢

劉琨荅盧諶琨為并州刺史與盧志親善志

領幽州牧諶求為匹磾別駕諶有賤及詩與琨故有此荅

駮驥倚輶昔有以驥馬駕鹽馬倚輶而不肯良

王良無遇驥之事在六乾卦第六畫辭云亢龍

窮厄羣妖劉聰等芻狗言天地不愛萬物禍延

凶播謂為聰所敗舊姻現妻諶新婚諶妹嫁攜

弱諶攜父母二族偕覆劉聰圍晉陽令狐泥以

選詩訂註 卷四 二

倚廬未至太守高嶠反應聰逐琨琨父母年老
不堪牽馬步擔不免為泥所害劉粲悉害謹父
毋三孽琨遺兄子及演妻盡為所虜一日謂劉聰
劉曜劉粲同是舊孤謂三孽一日久老為孤幹
一宗故云並根
諭去謂之匹
謹去禪所
州去并
四美音味
春林喻匹
秋棘自
東謂幽
撫舉言
高舉

劉琨重贈盧諶
前詩未盡復有此贈
勸諶欲共輔晉室也
鄧生鄧禹也光武襲河北禹聞
之北渡河追上至鄴北
曲逆陳平所封
高祖遭冒頓圍于
留侯張良會鴻門羽將圖高
此用平計得出
祖用張良計謝羽得免

五賢晉文公從者狐偃趙衰
顛頡魏武子司空季子
射鉤管仲射桓公
為悲獲麟西狩獲麟孔子曰孰謂來
相悲獲麟哉反袂拭面涕泣沾袍
盧諶贈劉琨
諶在路被劉聰破遂將妻子往
并州投琨後在段匹磾處憶琨

前恩故
贈此詩

在木處雁山木以不材而壽雁
匠者時盼不關

材饌賓乏善候人之譏毛詩序曰侯人
外役謂

匹府朝琨為司空三
本同末異楊朱見岐路乃

人亦始素終玄墨翟見素絲而泣曰入玄
咸池

選詩訂註 卷四 三

堯樂北里紂夜光寶皇帝阻顛父為劉尤良王良

恤尤郵無無凱狐趙有與五臣無敢望同狐趙之

古字通非也以意立節皆非情以體生感以

履危厄體親也情緣親生感激自情而斯已任其

情起起言今乃知意氣節士之流氏此喻匹碑也撫

由余戎王臣也使秦怪日碑休屠王子姓金

軍匹碑為撫朝右別高明謂匹長徽已謂被

所辟類乎綴多露毛詩語貞女以露多而女蘿

弱喻已松標喻匹衡謂機要言精莊子曰可以

者物之精者也深識謂潜山之巢許隱几南郭

異論現被肝膽喻楚越喻同大觀謂夫差喻句

踐琨喻琨盧謚贈崔温崔悅

舊京洛陽游子謹旅宦幽李牧趙之北邊良將也

十餘萬騎趙奢趙之田部吏秦伐韓令奢將

奴不敢近趙奢救之大敗秦軍秦軍解而走

羈旅寄客于非子善御者以倪寬為左內史愛

租在後當免官人聞恐失之乃勉力何武為大

相率或載或擔却為眾賦之先也何武司空

選詩訂註 卷四 四

其所居亦無赫赫
名去後常見思
二子 崔

盧謏 荅魏子悌

子悌亦為劉琨
從事與謏同官

朝彥跡

朝琨府朝彥悌
也謂齊跡事琨

腹背羽

孟胥對晉平公
曰夫鴻鵠一舉

千里所恃者六翮也
腹背之

愧

愧對

三益

謂郡名為石

飛狐

塞名為賊所得琨
與謏悌往伐為賊

本州役

謏涿郡人屬幽匹
碑辟為幽州別駕

荆文壁

卞和璞至

云故敗所

謝瞻荅靈運

靈運先寄愁霖詩
于瞻故有此荅

謝瞻於安城荅靈運

瞻為安城守靈運
見贈故有此荅

鴻漸

喻仕
雲臺

喻爵位五臣
作靈臺喻德

殉

營
謝成無
江南

曲

安成
我勞

相思
肇允

始信

封畿外
為安
承明內

靈運為
秘書監

理對

賢愚異任
是理對也

絲路

素絲岐
路見上
半

謝惠連西陵遇風獻康樂

靈運襲封康樂公
惠連是弟故云獻

也

垆林

野外日林
林外日垆

留子

謂靈
運住

浮客

自謂
無萱

萱草
忘憂

謝靈運還舊園作見顏范二中書

顏延之范
泰俱為中

書侍郎舊園即會稽始寧之園也宋太祖遣范泰與靈運詩敦獎令任故有此作

張邴 張良棄人間事從赤松子邴曼容 聖靈 謂高

祖 衝飈 謂徐羨之等為亂殺 餘燎遂見遷 靈運 持為

廬陵王司馬初被 投沙 賈誼謫 如邛 相如謝病

遷永嘉守故云 流沫 呂梁 石林 險山名以此所經涉之 閩中 越東

名之 兩如直 史 三避賢 孫叔族三去 盛明 謂太 盪

妖氛 平徐羨 捺不固 易板纏 言就 衛生 老子 衛生

經之

謝靈運登臨海 郡嶠 山初發疆中 地名 作與從

弟惠連可見羊 羊 何 共和之

脰 頸 恹 疲 悲端 謂秋 剡中 縣名有 那可尋 迷舊 浮

丘公 王子喬好吹笙浮 丘公接以上嵩山

謝靈運酬從弟惠連 報前西陵 遇風詩

西川 惠連 東山 靈運 所居

顏延之贈王太常 王僧 達

圓折 凡水其方折者有 希聲 彰徹 喻君子之道闇而彰

選詩訂註 卷四 六

也 睽 察也 惟 思 淡 周 徂 往 窮 節 窮 暮 豫 樂 非 樂 闕

凡 奏 樂 而 喜 樂 闕 而 悲 今 悲 來 自 傷 不 由 樂 闕 屬 美 屬 綴 君 之 美 事

顏延之夏夜呈從兄散騎 宗 顏 敬 車 長 沙 仲 遠

晏 晚 闕 息 九 逝 非 空 思 七 襄 無 成 文 言 我 竟 一 夕 九 往 豈

空 自 悲 思 所 思 者 君 也 但 恨 七 反 而 不 成 文 章 耳

顏延之直東宮荅鄭尚書 鄭 鮮 之 高 祖 踐 祚 遷 都 官 尚 書 延 年

補 太 子 舍 人 然 荅 詩 謝 舍 人 之 日

兩 闈 皇 宮 太 限 清 風 謂 不 東 館 東 宮 舍 南 墉 尚 書 子 宮

南 省 在 清 防 屏 風 樹 絲 桐 欲 播 之 琴 瑟

顏延之和謝監靈運 和 前 靈 運 贈 顏 范 二 中 書 也 少 帝 出 顏 延 之 爲

始 安 太 守 元 嘉 三 年 徵 爲 中 書 侍 郎

侍 兩 閨 謂 中 書 侍 郎 及 太 子 舍 人 丹 牖 喻 榮 玄 素 睽 不 同 素 絲 之 變

昏 霾 謂 少 帝 之 日 弔 屈 謂 之 始 謁 帝 蒼 山 舜 葬 蒼 野 緒

風 相 緒 不 留 荑 香 草 結 以 秦 稽 秦 望 會 稽 山 皇 斷 之 風 贈 遠 人

聖 謂 文 親 仁 謂 靈 帝 運

王僧達荅顏延之

華陽

益州縣名 榮屋南

偃

臥向日 曝灸背

謝朓郡內

宣城郡

高齋閑坐荅呂法曹

呂僧珍齊王法

曹也先有贈故荅

謝朓在郡卧病呈沈尚書

沈約

股肱守

漢淮陽太守汲黯上書云病上日

南山

曲謂宣 諍訟

謝朓使下都夜發新林至京邑贈西府同僚

朓為隋王子隆文學子隆在荊州好辭賦數集僚友朓以才文尤被賞愛長史

王秀之以朓年少密以啟聞世祖勅

金波

也月麗也

鳩鵲

名館星低

謂星下

建章

名宮

昇門

丹陽郡門 昭丘

荊州有楚昭王冢

謝朓酬王晉安

晉安郡守王德元先贈今荅

青閣

朝堂 彤闈

宮門 公子

謂西歸

在東

陸厥奉荅內兄希叔

內兄顧盼先贈故荅其集云竟陵王舉秀才遷

太子太傅功曹掾

帝子

謂竟陵

王孫

謂太傅王晏

金馬

署名謂

銅龍

太子門名

謂為太傅
功曹掾
平津邸
公孫
田田
蓮葉
春華秋實
邢顯

為平原侯植家丞防閑以禮與植不合庶子劉
植有才華而植重之人聞之以為采庶子之春

華忘家臣之秋實謂盼為
徐陳
徐幹
書記
阮賦

歌
劉公
子雲
谷駿足
喻柴車
喻山陽
燕
嵇康與

山陽常為
河陽別
石崇河陽
平原十日飲
秦昭

竹林之讌
有別業
千里游
呂安嵇康相
渤海

平原君書幸君過寡
文帝與吳質徐幹所
宜城
出美

游處喻盼事邵陵王
范雲贈張徐州謾
謾為徐州刺史臨去就雲
別不見雲後作詩贈之

傳
驛
馬
瑞
信
節

范雲古意贈王中書
融

青瑣闥
雲為通直
鳳凰池
中書
岱山沂水
二處

琅邪
北海
徐幹
南皮
吳質

任昉贈郭桐廬出谿口見候余既未至郭仍

進村維舟久之郭生方至
昉為新安太守
郭時為桐廬令

故伺
候也

涿令
後漢滕撫為涿令有文武理用流愛
于民行春兩白麻隨車挾轂而行

選詩訂註
卷四
九

潘岳河陽縣作

忝嘉招

被辟為太祖椽

再升

楊駿賈充俱辟為椽

上宰朝

司空太尉府

陪家臣也

厠王寮

列天子之外寮

都邑游

謂昔為尚書郎

河朔徭

謂河陽令也徭役也

齊都

即齊景公

桐鄉有餘謠

朱邑為桐鄉齊夫廉平不

苛吏人愛而歌焉

南路

京道

伐柯

言不遠

大夏

東京門名

邪太守齊風舒緩博乃勅公曹椽吏衣皆去地三寸視事數年大改其俗禮節皆如楚趙蓬蓬生蔴中不扶自直

曲

潘岳在懷縣作

岳自河陽遷懷令有思京之意

末垂

六月將盡之時

鞏洛

岳墳塋所在

潘尼迎大駕

東海王越從大駕討鄴軍敗輕騎奔下邳永康二年越率甲士

三萬人奉迎大駕還洛尼時預焉故有此作

陸機赴洛詩

營道

營營道路

無跡

聲沈

謂離別後跡無所見聲無所聞

堂室

謂母

妻銅輦

太子車

陸機吳王郎中時從梁陳作

崇賢

太子門名入此門為太子洗馬

契濶

勤苦

就藩臣

為吳王郎中令

陶潛始作鎮軍叅軍經曲阿作

通衢

喻仕路

班生廬

班固幽通賦曰里止仁之所廬

陶潛辛丑歲七月赴假還江陵夜行塗口作

商歌

甯戚商歌車下以干桓公

謝靈運永初三年七月十六日之郡初發都

高祖崩少帝立出靈運為永嘉郡守故有幽棲之志也

闌暑

夏末暑氣闌也

金素

秋也

火旻

火心星為秋旻天

愛似

莊子

日越之流人去國旬月見所嘗見于國中喜及期年也見似人者而喜矣

久敬

魯少

而學長而忘之一費也事君有功輕而負二費也父友交而忘之三費也

愧長袖

趙將

李牧 臂短 慙 躡步

晉大夫卻克跋

依方

莊子子貢曰夫子何方之依

班也

魏王瓠

魏王貽惠子瓠大而無用

永絕賞心晤

賞心之對於此長垂

謝靈運過始寧墅

自永嘉過故墟也靈運父祖並葬始寧縣并有故宅

及墅遂修營舊業極幽居之美

謝靈運富春渚

定山 赤亭

皆江中山名

無淹薄

水急不可停

伯昏

伯昏瞀人

古有道者履危而不懼

呂梁

呂梁之險懸流三千仞

游至

水相仍

兼

選詩訂註

卷四

十一

山易曰兼山艮龍夔言龍騰夔屈不為殊觀也

謝靈運七里瀨瀨水流沙上也此瀨下有嚴子陵隱居

上皇莊子監照下土天任公釣任公子有道者以大鈎巨輪釣

于東海

謝靈運登江中孤嶼

懷雜五臣作懷新懷想新知也延長也亂流趨正絕爾雅曰水正絕流曰

表靈言嶼上特表靈異蘊藏也真仙也安期仙人

謝靈運初去郡在永嘉稱疾去職

彭薛彭宣薛廣德皆御史大夫上書乞骸骨貢公禹妨周任害周

言象長卿相如有消渴疾尚子尚子平男娶女嫁畢勅斷家事邴生邴曼

容牽絲初仕元興安帝改元解龜去官景平少帝改元戰勝臃

者肥子夏日吾入見先王之義則榮之出見富貴又榮之二者戰于胸臆故臃今見先王

之義勝故肥也止監文子曰莫監于流潦而監于止水

謝靈運初發石首城靈運謝病東歸會稽太守孟覲乃表其異志靈

運馳往京都請闕上表太祖知其誣不罪不欲使東歸以為臨川內史至石頭城故作此

中孚

易卦孚信也

貝錦

詩云萋兮菲兮成是貝錦喻工者錯采以成錦文讒者構

言以作人過

日月

喻天子

兼茲

兼此內史

再

謂前之永嘉今適臨川

羅

浮

名山 廬霍

二山名

三山

蓬萊方丈瀛洲

九疑

山名

欽聖

舜葬九疑

懷賢

屈原沈湘江

謝靈運道路憶山中

往臨川郡憶始寧山中

采菱

江南

皆楚越歌曲

楚人

屈原

越客

自謂也

不怨

秋夕長

秋夜可樂故不怨其長

恒苦夏日短

夏日可游故常苦其短

叵

不可也 明月吹

廣陵散

並琴曲名

危柱

琴

促管

笛

謝靈運入彭蠡湖口作

石鏡

山名 松門

金膏

仙藥

水碧

水玉此江中有之然皆不見

里曲

琴賦曰千里別鶴

謝靈運入華子岡

華子期角里先生弟子居此山頂故稱焉

是麻

源 第三谷

銅陵

銅山

紅泉

水自沙中流出其色紅

恒克俄頃用豈為古

今然

言古之獨徃必輕天下不顧於世而已之獨徃常克俄頃之間豈為尊古卑今而然

選詩卷四訂註終

